

古詩源

(四)

古詩源卷十二

長洲沈德潛確士選

齊詩

謝

朧

名暉靈心秀口每誦名句淵然冷然覺筆墨之中筆墨之外別有一段深情妙理○

康樂每板拙名暉多清俊然詩品終在康樂下能清不能厚也

江上曲

易陽春草出踟躕日已暮蓮葉尙田田淇水不可渡願
子淹桂舟時同千里路千里既相許桂舟復容與江上
可采菱清歌共南楚

同謝諮議詠銅雀臺

總帷飄井幹。樽酒若平生。鬱鬱西陵樹。詎聞鼓吹聲。芳
襟染淚迹。嬋娟空復情。玉座猶寂寞。況乃妾身輕。笑魏武也
而托之於樹何等含蘊可悟立言之妙

玉階怨

夕殿下珠簾。流螢飛復息。長夜縫羅衣。思君此何極。竟

唐人絕句在唐人中爲最上者

金谷聚

渠碗送佳人。玉杯邀上客。車馬一東西。別後思今夕。離別

情事以澹澹語出之其情自深蘇李詩亦不作蹙蹙聲也

入朝曲

隋王鼓吹曲
卜首之一

江南佳麗地。金陵帝王州。逶迤帶綠水。迢遞起朱樓。飛
甍夾馳道。垂楊蔭御溝。凝笳翼高蓋。疊鼓送華輶。獻納
雲臺表。功名良可收。

同王主簿有所思

佳期期未歸。望望下鳴機。徘徊東陌上。月出行人稀。
景

含情怨

在言外

京路夜發

自丹陽之宣城郡

言部卷十二
擾擾整夜裘肅肅戒徂兩。曉星正寥落。晨光復瀼瀼。猶沾餘露團。稍見朝霞上。故鄉邈已負。山川修且廣。文奏方盈前。懷人去心賞。敕躬每跼蹐。瞻恩惟震蕩。行矣倦路長。無由稅歸鞅。

和徐都曹出新亭渚

徐勉有昧旦出新亭渚詩

宛洛佳遨遊。春色滿皇州。結軫青郊路。迴瞰蒼江流。日華川上動。風光草際浮。桃李成蹊徑。桑榆蔭道周。東都已俶載。言歸望綠疇。

遊敬亭山

茲山亙百里。合沓與雲齊。隱淪旣已託。靈異居然棲。上
干蔽白日。下屬帶迴谿。交藤荒且蔓。樛枝聳復低。獨鶴
方朝唳。饑鼯此夜嘑。淒雲已漫漫。夕雨亦淒淒。我行雖
紆組。兼得尋幽蹊。緣源殊未極。歸徑窅如迷。要欲追奇
趣。卽此凌丹梯。皇恩竟已矣。茲理庶無睽。

遊東田

戚戚苦無悰。攜手共行樂。尋雲陟果榭。隨山望菌閣。遠
樹曖阡阡。生煙紛漠漠。魚戲新荷動。鳥散餘花落。不對
芳春酒。還望青山郭。

正言卷之二
暫使下都夜發新林至京邑贈西府同僚

大江流日夜客心悲未央徒念關山近終知返路長秋
河曙耿耿寒渚夜蒼蒼引領見京室宮雉正相望金波
麗鳩鵲玉繩低建章驅車鼎門外思見昭邱陽馳暉不
可接何況隔兩鄉風雲有鳥道江漢限無梁常恐鷹隼
擊時菊委嚴霜寄言尉羅者寥廓已高翔成王定鼎於
郊鄒其南門
日鼎門○一起滔滔莽莽其來無端望京一段眷戀不
已○秋河六語應關山近驅車六語應返路長時眺被
讒而去故有末二語言已翔乎寥廓羅
者無如何也用長卿難父老篇語意

酬王晉安

稍稍枝蚤勁。塗塗露晚稀。南中榮橘柚。寧知鴻雁飛。拂
霧朝青閣。日旰坐彤闈。悵望一途阻。參差百慮依。春草
秋更綠。公子未西歸。誰能久京洛。緇塵染素衣。

楚辭曰白露紛

以塗塗謂厚也。○鴻雁南棲衡陽不入。晉安之郡。故曰甯知。晉安卽今之泉州。

郡內高齋閑望答呂法曹

郡爲宣城郡

結構何迢遞。曠望極高深。窗中列遠岫。庭際俯喬林。日
出眾鳥散。山暝孤猿吟。已有池上酌。復此風中琴。非君
美無度。孰爲勞寸心。惠而能好我。問以瑤華音。若遺金
門步。見就玉山岑。

新亭渚別范零陵雲

洞庭張樂地。瀟湘帝子遊。雲去蒼梧野。水還江漢流。停
驂我悵望。輟棹子夷猶。廣平聽方籍。茂陵將見求。心事
俱已矣。江上徒離憂。

言范同廣平而聲聽方籍已當居
茂陵之下將因彼而求見也郭表
爲廣平
太守

之宣城郡出新林浦向板橋

江路西南永。歸流東北驚。天際識歸舟。雲中辨江樹。旅
思倦搖搖。孤遊昔已屢。旣歡懷祿情。復協滄洲趣。囂塵
自茲隔。賞心於此遇。雖無弋豹姿。終隱南山霧。

在郡臥病呈沈尙書

尙書約也

淮陽股肱守高臥猶在茲。況復南山曲。何異幽棲時。連陰盛農節。簞笠聚東菑。高閣常晝掩。荒階少諍辭。珍簟清夏室。輕扇動涼颺。嘉魴聊可薦。淥蟻方獨持。夏李沈朱實。秋藕折輕絲。良辰竟何許。夙昔夢佳期。坐嘯徒可積。爲邦歲已暮。絃歌終莫取。撫几令自媿。

南陽太守弘農成綰任功

曹岑陸時人語曰南陽太守岑公孝弘農成瑨但坐嘯

晚登三山還望京邑

灞涘望長安。河陽視京縣。白日麗飛甍。參差皆可見。餘

霞散成綺。澄江靜如練。喧鳥覆春洲。雜英滿芳甸。去矣方滯淫。懷哉罷歡宴。佳期悵何許。淚下如流霰。有情知望鄉。誰能鬢不變。

直中書省

紫殿肅陰陰。彤庭赫弘敞。風動萬年枝。日華承露掌。玲瓏結綺錢。深沈映朱網。紅藥當階翻。蒼苔依砌上。茲言翔鳳池。鳴珮多清響。信美非吾室。中園思偃仰。朋情以鬱陶。春物方駘蕩。安得凌風翰。聊恣山泉賞。

東宮舊事
曰窗有四

面結綺
連錢

宣城郡內登望

借問下車日。匪直望舒圓。寒城一以眺。平楚正蒼然。山
積陵陽阻。溪流春穀泉。威紆距遙甸。巉巖帶遠天。切切
陰風暮。桑柘起寒煙。悵望心已極。惝怳魂屢遷。結髮倦
爲旅。平生蚤事邊。誰規鼎食盛。甯要狐白鮮。方弃汝南
諾。言稅遼東田。寒城一聯格高。朱子亦賞之。○續漢書
汝南太守范滂。孟博。南陽宗資主畫諾。○魏志曰。管甯聞公孫度令行海外。遂至遼東。

高齋視事

餘雪映青山。寒霧開白日。曖曖江村見。離離海樹出。披

衣就清盥。憑軒方秉筆。列俎歸單味。連駕止容膝。空爲
大國憂。紛詭諒非一。安得掃蓬逕。鎖吾愁與疾。

起四句
寫雪後

神入

落日悵望

昧旦多紛喧。日晏未遑舍。落日餘清陰。高枕東窗下。寒
槐漸如束。秋菊行當把。借問此何時。涼風懷朔馬。已傷
暮歸客。復思離居者。情嗜幸非多。案牘偏爲寡。旣乏瑯
琊政。方憩洛陽社。

移病還園示親屬

疲策倦人世。斂性就幽蓬。停琴佇涼月。滅燭聽歸鴻。涼
兼乘暮析。秋華臨夜空。葉低知露密。崖斷識雲重。折荷
葺寒袂。開鏡盼衰容。海暮騰清氣。河關秘棲冲。煙衡時
未歇。芝蘭去相從。

送江兵曹檀主簿朱孝廉還上國

方舟泛春渚。攜手趨上京。安知慕歸客。詎意山中情。香
風蕊上發。好鳥葉間鳴。揮袂送君已。獨此夜琴聲。

秋夜

秋夜促織鳴。南鄰擣衣急。思君隔九重。夜夜空佇立。北

已言別卷十二
一
牕輕幔垂。西戶月光入。何知白露下。坐視階前濕。誰能
長分居。秋盡冬復及。

和何議曹郊遊

春心澹容與。挾弋步中林。朝光映紅萼。微風吹好音。江
陲得清賞。山際果幽尋。未嘗遠離別。知此愜歸心。流沂
終靡已。嗟行方至今。

和王著作融八公山

謝予敗
苻堅處

二別阻漢坻。雙嶠望河澳。茲嶺復嶢岼。分區奠淮服。東
限瑯琊臺。西距孟諸陸。阡眠起雜樹。檀欒蔭修竹。日隱

澗疑空雲聚岫如複出沒眺樓雉遠近送春日戎州昔
亂華素景淪伊穀。阡危賴宗袞微管寄明牧。長蛇固能
剪奔鯨自此曝道峻芳塵流業遙年運倏平生仰令圖
吁嗟命不淑浩蕩別親知連翩戒征軸再遠館娃宮兩
去河陽谷風煙四時犯霜雨朝夜沐春秀良已彫秋場
庶能築戎州亂華謂苻堅素景謂晉以金德王也○宗袞謂謝安明牧謂謝朓微管卽微管仲吾其被髮左衽意古人引用多割截者○長蛇奔鯨喻苻堅苻融也平生仰令圖以下皆朓自謂○小謝詩俱極流利而此篇及和伏武昌作典重質實俱宗仰康樂

和伏武昌登孫權故城

伏曼容爲武昌太守

炎靈遺劍璽。當塗駭龍戰。聖期缺中壤。霸功興寓縣。鵲
起登吳山。鳳翔凌楚甸。衿帶窮巖險。帷帟音亦盡謀選。北
拒溺驂鑣。西龕收組練。江海旣無波。俯仰流英眄。裘冕
類禋郊。卜揆崇離殿。釣臺臨講閣。樊山開廣讌。文物共
歲蕤。聲明且葱蒨。三光厭分景。書軌欲同薦。參差世祀
忽。寂寞市朝變。舞館識餘基。歌梁想遺囀。故林衰木平。
芳池秋草徧。雄圖悵若茲。茂宰深遐睠。幽客滯江皋。從
賞乖纓弁。清卮阻獻酬。良書限聞見。幸藉芳音多。承風
采餘絢於役。倘有期。鄂渚同遊衍。炎靈謂漢當塗謂魏言當道而高人者魏